

新修江寧府志卷之十九

秩官

古設官分職因地異制漢時官職有不見於百官表而見於地志者矣江寧自爲都會官制繁多其自吳至明畱都建官自公卿以下統治一國者自爲京師之官不當繫於一郡其爲守土之官乃著於此有與他郡別異者乃稍詳焉作秩官志

漢時秣陵句容湖熟堂邑皆嘗爲侯國則當有國相矣國廢則爲縣續漢書郡國志縣邑大者置令一人千石次置長四百石小者置長三百石侯國之相秩次如之

新修江寧府志

卷之十九

秩官

一

注引應劭漢官荆揚江南七郡惟南昌臨湘吳三令餘皆爲長然則丹楊諸縣皆長也其國相及長或秩四百石或三百石則不可攷矣

吳設揚州牧按刺史治所前漢無定處後漢則揚州治壽春三國時魏吳分據揚州在魏曰刺史在吳曰揚州牧吳之置牧蓋在黃武與魏離後也蕭子顯固云吳牧不知所居處矣通典云建安十六年揚州牧自曲阿移治建業按孫權雖自十六年移建業其權力雖非啻州牧而實無刺史及牧之稱猶稱會稽太守故合淝之戰張遼以紫髯問吳降人荅曰孫會稽也通典之言爲誤

記矣其丹楊設太守建業句容丹陽設令略因漢舊沈約宋書志云吳省溧陽爲屯田又云省湖熟爲典農都尉按此湖熟乃今當塗地非今江寧境之湖熟鎮也詳沿革辨中

晉揚州刺史自太康二年平吳以後治秣陵太興元年

以後治建康所屬州佐有別駕治中部郡從事史

別駕治中

本亦是從事史但諸從事分曹而別駕治中統諸曹故別於從事之外桓溫以習鑿齒爲治中鑿齒云若不遇公荆州老從事耳又別駕下有中從事史蓋無員而居別駕舍故鄧元景爲蜀州刺史辟中從事幾二千人沈懷文從揚州中從事史遷別駕從事史又陸襄以父閑爲揚州別駕遭戮不肯爲中從事史梁武詔令與府司馬易廡居之又有主簿門亭長錄事記室等魏晉舊制有都

新修江寧府志

卷之十九

秩官

二

督某州軍事者此以內臣外督與刺史治民各一事亦或令卽兼州任而非定制也至晉南渡以後則揚州之任最重未有不兼都督者矣都督必帶將軍其將軍置府所屬有府僚州屬自爲州僚爲府僚者多曰參軍爲州僚者多曰從事史而府州及郡僚皆通曰掾又按州僚之制分曹曹以史爲主史下有書佐小史循行幹等故部郡從事史下有典郡書佐主簿下有簿曹書佐沈約宋書志所載爲明今唐修晉書云記室書佐諸曹則不可通矣又有一曹無史而但有書佐者故沈約宋志云今有西曹書佐西曹卽漢之功曹此似晉時揚州制

卽如此

此等州僚略因漢制從事史百石秩書佐以下蓋斗食也

丹楊尹一人治建康位次九卿下丞一人郡佐有功曹史五官掾文學掾及主簿主記史等員尹本太守也南渡後曰尹又其間嘗爲丹楊內史王右軍父王曠所爲官也檢晉書武帝子吳敬王晏太康十年受封食丹楊吳興并吳三郡丹楊郡之稱內史應始此

琅邪內史一人治江乘元帝太興三年置第五品丞一人第八品

堂邑太守一人治堂邑安帝時改爲秦郡太守

建康令一人第六品丞一人第九品尉第九品晉書云

### 新修江寧府志

#### 卷之十九

秩官

三

建康置六部尉沈約宋書亦云江右置六部尉

太平寰宇記云

建康尉七人江尉在三生渚西尉在延興寺後巷北東尉在吳大帝陵口蔣山西門南尉在草市北湘宮寺前北尉在潮溝村左尉在青溪菰首橋右尉在沙市此未載所引何書似齊梁後又增一尉也姑記於此 縣

佐有主簿錄事史主記室史門下書佐功曹史等員

此蓋

皆斗食

秣陵江寧永世溧陽江乘湖熟句容令各一人丞各一

人晉志云大縣尉二人小縣一人此諸縣不可定知餘

縣佐當略如建康

按元和郡縣志云晉元帝興於江左句容爲畿內第

二品縣以此例推之秣陵等六縣亦當同爲第二品

建康則第一品縣也

懷德臨沂屬琅邪堂邑尉氏秦縣臨塗屬秦郡此僑置之縣

自當有令其丞尉等或備或否不可知矣

晉承魏以鄉里清議九品詮人揚州有大中正丹楊有郡中正縣有清定訪問等皆非官也然亦以朝命行之時有升替略同於職官矣

宋如晉制自宋以後揚州刺史率以子弟為王者居其任丹楊尹亦有以王爵居之者如宋臨川王義慶是也大抵在江左皆為重任矣沈約宋書云縣無丞惟建康有獄丞又其增置者有臨江太守治懷德大明七年置

新修江寧府志

卷之十九

秩官

四

齊建元二年  
罷後復置又有陽都費卽邱皆治江乘  
屬琅邪懷德治尉氏  
屬臨江

令

齊略如宋制其增置者有齊郡太守一人永明元年自鬱州移治瓜步又有臨淄齊安西安宿豫平虜昌國益都令

梁略如齊制其增置者南丹楊太守一人治江寧境臨滁太守治懷德秦郡太守治尉氏本晉郡齊永明初罷梁復置同夏

令分建康境東為治中大通二年置又天監元年建康置三官如廷尉廷尉卿下有正監評謂之三官令建康縣亦置正監評蓋以清獄訟用朱异之議也

陳略如梁制其江北境暫有而旋入北朝北齊置秦州刺史瓦梁太守周置方州刺史六合太守堂邑方山令其大較也而其詳不聞矣

隋蔣州刺史一人治江寧開皇九年平陳後置正三品長史司馬各一人正五品州佐有錄事參軍事功曹戶兵等曹參軍事法士曹等行參軍典籤州都光初主簿郡正主簿西曹書佐祭酒從事部郡行事倉督市令丞等員大業初罷刺史官并省諸州以州爲郡於此地置丹陽太守一人通守郡丞初名贊務各一人正五品其屬僚略同刺史蓋隋并刺史太守爲一官故其屬官乃兼舊

新修江寧府志

卷之十九

秩官

五

州郡僚名而參軍事又兼用古軍府僚名所職事則不必其果爲軍旅事也

江寧溧水六合句容各一人從七品丞各一人正九品縣尉各一人流外後改爲正縣佐有正光初功曹光初主

簿功曹主簿西曹金戶兵法士等曹佐及市令等員丹陽都尉一人正四品副都尉一人正五品皆領兵唐東南道行臺尚書令一人武德三年置治蔣州八年改揚州大都督府都督九年移治江都浙江西道節度使兼江寧軍使領昇潤等十州軍事一人乾元元年置治昇州二年罷

按唐百官志行臺尚書令下有僕射左右丞左右司郎中員外郎都事等官諸州大都督下有長史司馬錄事參軍事功倉戶田兵法士諸曹參軍事等官諸鎮節度使下有副大使行軍司馬副使判官支使掌書記推官巡官衙推等官以上三官在江寧皆暫置卽罷宜與久置之行臺尚書大都督節度使有間其官屬容不備也

昇州刺史一人州上從三品依唐志下當有別駕一人從四品下長史一人從五品上司馬一人從五品下錄事參軍事一人從七品上錄事一人從九品下司功司倉

新修江寧府志

卷之十九

秩官

六

司田司兵司士參軍事各一人司戶司法參軍事各二人從七品下參軍事四人從八品下市令一人從九品上丞一人從九品下文學一人從八品下醫學博士一人從九品下然此州之或有損益不可知也武德七年置蔣州尋罷乾元元年唐志作至德二載置昇州上元二年復罷光啓三年復置通鑑作大順元年又茅州刺史武德四年置七年罷方州刺史武德七年置貞觀元年罷其職官皆暫而不久宜有簡略於他州者已

上元望句容望溧水上溧陽緊六合緊縣令各一人從六品上丞各一人從八品下主簿各一人正九品下尉

各一人從九品上

吳鎮海軍節度使正明二年置居昇州金陵大都督府  
都督天祐十四年置居金陵金陵府尹一人天祐十四  
年置治上元

上元江寧句容溧水溧陽六合縣令各一人

南唐同吳制而改金陵府尹為江寧府尹

宋初以此地為昇州則知州正守土官也後為江寧府  
南渡為建康府則知府守土官也宋制凡臨邊之帥帶  
馬步軍都總管稱為帥府內州則否及宣和三年詔知  
杭越州江寧府皆加安撫使後并帶總管為帥府旁臨

新修江寧府志

卷之十九

秩官

七

列郡都督兵馬其權任之重係乎上命非守土定制也  
又宋時節度使但為榮寵之名使食厚祿而不任軍事  
故為建康節度使者其生平不必至建康也此於地之  
職官為無與又有都督江淮軍事及制置使轉運使等  
或駐江寧而建設去來蓋無定云

知昇州軍州事一人

兼兵馬鈐  
轄巡檢

通判一人開寶八年置

治上元江寧二縣天禧二年州改為府

建康府知府事一人

二品以上  
稱判某府

通判一人

嘉祐中  
增二人

簽書

判官廳公事一人官屬有司錄參軍一人戶曹法曹士

曹參軍各一人司理參軍一人助教一人

南渡後紹興  
九年照西京

例設教 授二人 左右軍巡使判官各二人左右廂公事幹當官

各四人天禧二年置時為江寧府建炎三年改建康府 治上元江寧二

縣其以知府兼制置使安撫使者則有參謀官參議官

主管機宜文字幹辦公事准備差使諸名以為屬員其

官自辟抑或從朝命又高宗自金陵迴蹕臨安後知江

寧府者率兼行宮畱守武臣一人為之副其下亦有主

管機宜文字等職云又府僚有參軍者宋沿隋唐舊制

也徽宗政和三年改為分曹建院如云法曹院司法司

曹院司士是為幕僚而去參軍之名其制蓋出於蔡京

及建炎南渡惡其為京之事而悉改還舊焉

新修江寧府志

卷之十九

秩官

八

上元江寧皆次 句容溧水溧陽皆次 六合望 縣令各一

人京朝幕官則為知縣事 丞各一人主簿各二人尉各二人淳化

等十七鎮監官各一人

按府當日尹州當日刺史縣當日令正職也而宋制

知府至州縣皆帶京朝官為之故無常品

元制天下州縣之上曰路路之上曰道道之上有行省

有行臺有行院江淮等處行中書省則有丞相中書令

主之下有平章右丞左丞參知政事郎中員外郎蒙古

必閣赤等官至元十五年置行省於建康路二十一年

移杭州改稱江浙行中書省江淮行樞密院則有知院



即樞密使也

主之下有同知副樞簽院同簽官屬有院判經歷都事蒙古必闍赤等官至元二十一年置行院於建康路三十一年并歸行中書省其在建康皆未久而去江南行御史臺則有御史大夫一人主之從一品中丞二人正二品侍御史二人從二品治書侍御史二人正三品監察御史二十八人正七品官屬有經歷一人從五品都事二人正七品照磨一人正八品承發管勾兼獄丞一人正八品架閣庫管勾一人正九品令史一十六人譯使四人回回掾史通事知印各二人典史庫子臺醫有差至元二十三年自江州移治建康路統江南

新修江寧府志

卷之十九

秩官

九

建康等十道自是至元末皆在建康元制行省丞相固為尊職然江浙行省所統止建康浙東浙西福建四道若江南行臺所察兼江浙江西湖廣三行省之地其包括為廣遠矣其江東建康道則有肅政廉訪使主之於寧國路置司建康路置總管府天歷二年改集慶路達魯花赤一人總管一人同主之並正三品同知治中判官各一人正五品推官二人正七品經歷一人正八品知事一人照磨並承發架閣一人並正九品儒學教授一人蒙古教授一人並正九品醫學陰陽教授各一人司獄司司獄一人丞一人平準行用庫提領大使副使各一人織

染局局使一人副使一人雜造局大使一人副使一人  
府倉大使一人副使一人惠民藥局提領一人稅務提  
領一人大使副使各一人錄事司判官一人達魯花赤  
一人典史一人至元十四年置治上元江寧二縣  
建康路寶鈔提舉司達魯花赤一人正四品都提舉一  
人正四品副達魯花赤一人正五品提舉一人正五品  
同提舉一人從五品副提舉二人從六品知事一人從  
八品照磨一人從九品屬吏部

集慶萬壽營繕都司達魯花赤一人司今一人並正四  
品大使一人副使一人知事一人提控案牘一人

天歷二年

新修江寧府志

卷之十九

秩官

十

置田賦提領所提領一人正九品同提領副提領各一  
人財用所大使副使各一人

天歷三年置

天歷二年建龍翔

萬壽兩寺於建康因置此官屬大禧宗禋院

建康等處財賦提舉司達魯花赤一人提舉一人正五

一作從五品

同提舉一人從六品副提舉一人從七品提

控案牘都目各一人吏目一人司吏六人三湖河泊所  
提領一人從七品大使一人副使一人相副官一人屬

中政院

溧水州達魯花赤一人知州一人並從五品同知一人  
正七品判官一人正八品吏目一人

上元江寧句容溧陽六合達魯花赤各一人縣尹各一人從六品丞各一人簿各一人尉各一人典史各二人明應天府府尹一人正三品府丞一人治中一人正五品通判二人正六品推官一人從六品儒學教授一人從九品訓導六人經歷一人從七品知事一人從八品照磨一人從九品檢校一人倉庫都稅司大使各一人從九品龍江遞運所大使副使各一人批驗所大使一人龍江江東聚寶門太平門宣課司大使各一人龍江龍溧稅課局大使各一人副使各一人龍江關石灰山關大使各一人副使各四人驛丞二人巡檢三人洪武

新修江寧府志

卷之十九

秩官

十一

三年置治上元江寧縣城

總督糧儲提督軍務兼巡撫應天等處副都御史一人正三品萬歷中移駐句容後移蘇州

提督操江副都御史一人正三品

或以僉都御史爲之則正四品

駐南

京領江防

巡江監察御史一人正七品駐南京巡江自龍江關上至九江

南京戶部寶鈔提舉司提舉一人正八品副提舉一人正九品寶鈔廣惠庫大使一人正九品長安門倉東安門倉西安門倉北安門倉副使各一人從九品龍江鹽

倉批驗所各大使一人從九品

南京工部龍江提舉司提舉一人正八品龍江抽分竹木局大使一人從九品

上元江寧二縣各知縣一人正六品縣丞一人正七品主簿二人正八品教諭一人訓導二人典史一人司獄司司獄一人從九品織染局大使一人左右副使各一人

句容溧水溧陽高淳江浦六合各知縣一人正七品縣丞一人正八品主簿一人正九品教諭一人訓導二人典史一人

新修江寧府志

卷之十九

秩官

十二

國朝總督江南江西等處地方提督軍務糧餉操江統轄南河事務兵部尚書兼都察院右都御史一員從一品

駐江寧 養廉一萬八千兩

督理織造一員無常品 例以內務官員為之 駐江寧 司庫一

員正七品 筆帖式二員 七品 庫使二員正八品

烏林大一員未入流

督理龍江西新關務 織造兼管 駐江寧

江南江淮揚徐海通等處承宣布政使司布政使一員

從二品駐江寧 養廉八千兩 理問一員從六品 養廉六兩 日盈

庫大使一員正八品 養廉十兩 倉大使一員從九品 養廉六兩

兩

江安督糧道轄江寧安慶徽州寧國池州太平廬州鳳

陽淮安揚州徐州潁州十二府一州漕務一員正四品

駐江寧養廉三千兩 庫大使一員從九品養廉六十兩

江南鹽法道分巡江寧府兼管水利水務一員正四品

駐江寧養廉三千兩

江寧府知府一員從四品養廉二千兩 理事同知一員正五

品掌平治駐防旗民與漢人有交關江防船政同知一

員正五品本江防船政各一員康熙五十六年裁江防

防事乾隆五十移屬揚州監巡鹽務其後以船政同知兼江

戰船事歸於巡道養廉五百兩 督糧同知一員正五品

新修江寧府志 卷之十九 秩官

十三

養廉五百兩 南捕通判一員正六品養廉四百兩 北捕通判一員

正六品養廉四百兩 教授一員正七品養廉四十兩 復設訓導一

員從八品康熙三年裁十六年復設養廉四十兩 經歷一員正八品養廉六十兩

兩照磨一員從九品養廉六十兩 檢校一員未入流養廉六十兩

龍江關聚寶門宣課大使各一員從九品養廉各六十兩 批驗

茶引所大使一員未入流養廉六十兩 江東司巡檢一員從

九品養廉六十兩 秣陵鎮巡檢一員從九品養廉六十兩 江淮司

巡檢一員從九品養廉六十兩

上元縣知縣一員正七品養廉一千八百兩 縣丞一員正八品

養廉六十兩 教諭一員正八品養廉四十兩 復設訓導一員從八

品康熙三年裁十六年淳化鎮巡檢一員從九品養廉六十

兩典史一員未入流養廉六

江寧縣知縣一員正七品養廉一千八百兩糧捕水利縣丞一

員正八品養廉六十兩教諭一員正八品養廉六十兩復設訓導

一員從八品康熙三年裁十六年江寧司巡檢一員從

九品養廉六十兩典史一員未入流養廉六十兩

句容縣知縣一員正七品養廉一千五百兩縣丞一員正八品

養廉六十兩教諭一員正八品養廉四十兩復設訓導一員從八

品康熙三年裁十六年龍潭司巡檢一員從九品養廉六十

兩典史一員未入流養廉六十兩

新修江寧府志

卷之十九 秩官

溧水縣知縣一員正七品養廉一千兩復設教諭一員正八

品康熙三年裁十六年復設江浦訓導一員從八品養廉

四十兩典史一員未入流養廉六十兩

江浦縣知縣一員正七品養廉一千兩復設教諭一員正八

品養廉四十兩訓導一員從八品養廉四十兩典史一員未入流

養廉六十兩

六合縣知縣一員正七品養廉一千兩復設教諭一員正八

品養廉四十兩訓導一員從八品養廉四十兩瓜埠司巡檢一員

從九品養廉六十兩典史一員未入流養廉六十兩稅課司管河

泊所大使一員未入流養廉六十兩

高淳縣知縣一員正七品養廉一千兩復設教諭一員正八

品養廉四十兩訓導一員從八品養廉十兩廣通鎮巡檢一員

從九品養廉十兩典史一員未入流養廉十兩